

– Երբեմն, ամառային արձակուրդների ժամանակ, գիւղացիները ինձ թոյլ են տալիս գնալ՝ ազգականներին տեսնելու: Տարրայ մեջ երեք ամիս բուրդովին ազատ եմ ես: Մանաւանդ, որ ուսումը այստեղ գլխաւորապէս ծմեռն է լինում, որովհետեւ տարրայ միւս եղանակներում երեխաները օգնում են իրանց ծնողներին նրանց տնտեսական աշխատութիւնների մեջ: Այդ ես թոյլ եմ տալիս գլխաւորապէս այն նպատակով, որ իմ աշակերտները գործնականապէս վարժեն երկրագործական մշակութիւնների մեջ:

– Ձեր բացակայութեան ժամանակ ո՞ւմն էք յանձնում ձեր պաշտօնը:

– Ես մի օգնական եւս ունեմ, որը իմ հասցրած աշակերտներիցն է:

Գիշերից բաւական անցել էր: Ժամանակ էր հիւրերին հեռանալ: Գիւղացին զարթնում է արեւից առաջ, հանգստանում է արեւի հետ: Նա սովոր չէ անքնութեան մեջ վատնել գիշերային հանգստութիւնը:

Թէեւ ռեսի ճոխ եւ ընդարձակ տունը՝ թոով մեզանից մի քանի անգամ աւելի հիւրերի համար՝ թէ՛ քնելու տեղ եւ թէ՛ մաքուր անկողիներ ուներ, բայց, շինական սովորութեան համեմատ, մեզ հետ սեղանակից եղող գիւղացիները պետք է մեզ իրանց մեջ բաժանէին, որպէսզի տան տիրոջ համար ծանրութիւն չլինէր: Բաւական երկար տեւեց վիճաբանութիւնը մեր ընտրութեան մասին. իւրաքանչիւրը ցանկանում էր իր տունը տանել մեզանից ամեն մէկին, թէեւ մեր թիւը այնքան փոքր էր, որ ամենքին բաւականութիւն չէր կարող տալ: Մտածում էին վիճակ ձգել: Այդ միջոցին վարժապետը մեջ մտաւ, ասելով.

– Բարեկամներ, մեր բախտից մեր հիւրերը այնքան փոքր են թոով, որ ամենքիս բաժին չի հասնի. պարոն բժշկապետին ես կոէր առնեմ, իսկ միւսներին թող տեր հայրը բաժանէ, ինչպէս որ կը կամենայ:

Մենք թոով չորս հոգի էինք՝ ես, Ասլանը, Մուրադը եւ Ջալլադը: Ամենքը համաձայնեցան, որ Ասլանին, այսինքն պարոն բժշկապետին, վարժապետը տանէ իր մօտ, որովհետեւ նրա լեզուն իմանում է, բացի դրանից, եւրոպական ձեւով կահաւորած սենեակ ունի: Ինձ վեր առեց տեր հայրը, Մուրադը մնաց ռեսի տանը, իսկ Ջալլադին տարաւ մի այլ գիւղացի, որը տեղային եկեղեցու երեսփոխանն էր:

### ԻՇ. ԳԻՒՂԱԿԱՆ ՎԱՐժԱՊԵՏԸ

Երբ գիւղացին հարեւանի մօտ հիւր է կանչուած, եւ նրա տանեցիք գիտեն, որ այնտեղ օտար տեղից եկած հիւրեր կան, իրանք եւս պատրաստու-